

N rival donc'ávi fórt e mèz malan, qu'm'orôa mórt;
L'anèl instés odôl qu'jovèssa púc; qu'fortúna,
Sveltéza e zénza nia vitória dès, lapró l tórt
Odêi fagèssa, fô plû tlér segû qu'la lûna.

Mo vé, bëgn prëš les şábles s'incrogéia, petádes
Adum con tan gran fórza qu'an odóva stízes
Inscíqu'an ès impiè na pila d'frósc's sichádes,
L šeşúr credóven qu'gnis da saş qu's'logès da pizes.

La squérma¹⁾ conesciô mi n'mic tan bëgn qu'iù instés; soie
Mesâ vignûn dë tal manfra, qu'l mús e l córp dût
R'gorô: tan frëm nê sta n fradon²⁾ sùn antoré apoiè
Qu'vignûn d'nôs dôi charáva très quë l'póst n'i fôs tût.

Alfin, qu'ël sî per aiût devin o sòl per fórza
D'mi brace, l nemic scomència a tremoré, devènta
Tel mús plû blanc dë n lérege san desòt súa scórza,
La lancia i tòma şëgn d'la man e l'oedl spavènta.

Diolán digeons a Dî del'aiût in quëla véra,
Abinon l patúce adum digean „a r'vèder“³⁾ plan plan
Al país salvár', dlacé e corí da gran nevéra;
Iù tir'tel lian sù insóm, l'odòndra s'cúfa t'mia man.

Ocèl tan snèl n'a mai lascé dô d'ël con áres
Lesíres n léc qu'l'odòndra e iù pasân con jór nû
E mai odû denant ia súra l mér; qu'ël fôs aváres
Dë dër bî pra parôl, tan bèl inant podòn s'mû.

Fermé n's fermân in mèz al mér, olá qu'ël fóva
Crepons⁴⁾ e pizes altes plû qu'vign'áter crëp d'nant
Odû da mé; no lëgns, no chases mi oedl n'podóva
Traodëi; ël fóva tan salvár', qu'temú s'ès bëgn 'chi n sant.

¹⁾ scherma. ²⁾ aumentativo di „frat“.

³⁾ addio. ⁴⁾ aument. di „crëp“.